



# XXIII CERTAME DE CREACIÓN ARTÍSTICA/LLITERARIA EN LLINGUA ASTURIANA / GALLEGO- ASTURIANU

(P'alumnáu d'Educación Infantil, Primaria, Secundaria y Bachilleratu)

## XXXIX Selmana de les Lletres Asturianas

Por cuenta de la celebración de la “XXXIX Selmana de les Lletres Asturianas” nel mes de mayu del 2018, la Consejería d'Educación y Cultura del Principáu d'Asturies convoca'l XXIII CERTAME DE CREACIÓN ARTÍSTICA/LLITERARIA pa escolinos y escolines d'Educación Infantil y Primaria, y alumnos y alumnes d'Educación Secundaria y Bachilleratu d'alcuertu con estes bases:

**PRIMERA.-** Pue participar tol alumnáu de 3, 4 y 5 años d'Educación Infantil a 2.º Cursu de Bachilleratu.

### SEGUNDA.-

- Los escolinos y escolines d'Educación Infantil de 3, 4 y 5 años han participar con un **dibuxu** relacionáu con estos versos del llibru *Dinguirindaines*, de Cristina Muñiz.

*Una xata rosa  
y un merucu azul,  
viven los dos xuntos  
dientro d'un baúl.*

- Los escolinos y escolines d'Educación Primaria han escribir un **microrrellatu** d'un llargor máximu de 200 palabres y temática inspirada nesti fragmentu de *Xunta de mitos*, de Rafael Cascudo Noceda.

*[...] cuando espertó yá nun había tormenta al pie del ríu. Allumaba la lluna con tola so fuercia, nunca la viera tan allegada y tan rellumante.*

Los microrrelatos puen llevar una ilustración.

- Los alumnos y alumnes d'ESO/Bachilleratu han participar con un **microrrellatu** d'un llargor máximu de 200 palabres y temática inspirada nesti fragmentu col qu'empieza *Fontebrosa III. El final* de Vicente García Oliva:

*“¿Cuándo-y empezó aquella comezón, aquel pruyimientu sobre la vida y la edá? ¿Cuándo l'entrugase secretamente sobre la inmortalidá?”*

Los microrrelatos puen llevar una ilustración.

**TERCERA.-** Tolos trabayos presentaos han tar escritos en llingua asturiana o en gallego-asturianu y tienen que ser inéditos.

**CUARTA.-** Van dase trés premios por caún de los cursos establecíos pa los trabayos de creación artística/literaria.

Na categoría de 3, 4 y 5 años d'Educación Infantil va haber trés premios por cursu pa los trabayos de creación artística.

Nes categorías d'Educación Primaria, Secundaria y Bachilleratu va haber trés premios por caún de los cursos establecíos y en caúna de les llingües: de primer a sestu cursu d'Educación Primaria; de primer a quartu cursu d'ESO; y pa primer y segundu cursu de Bachilleratu. Va facese mención especial a los centros de los alumnos y alumnes ganadores del Certame con un diploma acreitativu.

**QUINTA.-** El Xuráu va tar formáu por persones averaes al mundu de la escritura, les artes plástiques y la educación.

**SESTA.-** Los trabayos puen presentase, pol autor o autora o pol centru educativu, a:

Serviciu de Planificación Llingüística y Normalización  
Consejería d'Educación y Cultura del Principáu d'Asturies  
C/ Eduardo Herrera, "Herrerita", e/n, 3.º planta  
33006 Uviéu

hasta les 20:00 hores del **martes, 20 de marzu del 2018**, nun sobre zarráu onde ha ponese: XXIII CERTAME DE CREACIÓN ARTÍSTICA/LLITERARIA. Nel sobre han metese los dibuxos o los microrrelatos, qu'han llevar escrito per detrás el TÍTULO, CURSU, CENTRU y NOME del autor o autora.

**SÉPTIMA.-** El fallu del Xuráu va facese públicu nel mes d'abril del 2018. Los premios del Certame van dase nun actu entamáu pola Consejería d'Educación y Cultura nel homenaxe escolar al **Día de les Lletres Asturianas**.

**OCTAVA.-** La participación nel Certame supón tar d'alcuertu coles bases establecées. Al fallu del Xuráu nun se pue retrucar.

**PA MÁS INFORMACIÓN:** Tfnu. 985.10.19.15